

AUGLÝSING

um breytingu á gjaldskrá og reglum fyrir símaþjónustu í einkarétti nr. 624/1996.

1. gr.

Grein 3.1.3. í I. kafla orðist svo:

- 3.1.3. Ef einkasímstöð tengist við almenna símakerfið með venjulegum tallinum er greitt fyrir þær línur stofngjald og afnotagjald eins og fyrir atvinnusíma samkvæmt 1. og 2. grein, en fjöldi lína skal vera heilt margfeldi af 10. Ef einkasímstöð tengist hins vegar við almenna símakerfið með 2 Mb/s sambandi greiðist fyrir hvert samband stofngjald og afnotagjald eins og fyrir 20 tallínur, þ.e. stofngjald kr. 212 840,00 og ársfjórðungsgjald kr. 64 000,00. Þeir notendur, sem ekki vilja nýta allar 30 rásirnar í 2 Mb/s sambandinu geta fengið færri rásir virkar þó að lágmarki 12 rásir. Fyrir hverja rás greiðist þá venjuleg afnotagjöld fyrir atvinnusíma en stofngjaldið verður kr. 212 840,00. Línurnar má nota hvort sem er fyrir innval eða útval. Í afnotagjaldinu er innifalin sjálfvirk notkun samkvæmt (I.2.) og er hún reiknuð í hlutfalli við þann fjölda afnotagjalda sem greitt er fyrir, þ.e. þegar greitt er fyrir 2 Mb/s samband er innifalin notkun miðað við 20 línur.

2. gr.

7. grein í I. kafla orðist svo:

7. Græn símanúmer.

Réttthafi græns símanúmers greiðir fyrir öll innkomandi staðarsímtöl kr. 3,32 við svar og kr. 2,22 á mínútu frá kl. 08:00 til kl. 19:00 frá mánudegi til föstudags en kr. 1,11 á mínútu á öðrum tímum. Fyrir innkomandi langlínusímtöl greiðir réttthafi kr. 3,32 við svar og kr. 4,98 á mínútu frá kl. 08:00 til kl. 19:00 frá mánudegi til föstudags en kr. 2,49 á mínútu á öðrum tímum. Ef grænu númeri er vísað til útlanda greiðir réttthafi samkvæmt gjaldskrá viðkomandi lands fyrir umferð til Íslands.

Notandi sem hringir úr almenna talsímakerfinu í grænt númer greiðir ekkert.

Kr.

- | | | |
|------|--|-----------|
| 7.1. | Stofngjald fyrir þjónustuna..... | 34 505,00 |
| 7.2. | Afnotagjald fyrir þjónustuna á ársfjórðungi..... | 13 801,00 |
- Innhringingum í græna númerið, verður vísað yfir á önnur númer eitt eða fleiri, sem réttthafinn greiðir fyrir samkvæmt gjaldskrá.

3. gr.

Greinar 10.1. og 10.2. í I. kafla orðist svo:

- 10.1. Greitt er fyrir tengingu við almenna símakerfið á sama hátt og fyrir tengingu einkasímstöðvar þ.e. stofngjald kr. 10 645,00 og fast afnotagjald á ársfjórðungi kr. 3 200,00. Greitt er fyrir hverja línu.
- 10.2. Fyrir hvert uppkallsnúmer er greitt stofngjald kr. 10 645,00 og fast afnotagjald á ársfjórðungi kr. 6 400,00.

4. gr.

Grein 12 í I. kafla orðist svo:

12. Lánssímar.

Þegar sérstaklega stendur á, svo sem þegar um bráðabirgðasíma er að ræða, má þó leigja afnot af síma fyrir annað gjald en venjulegt stofngjald og fast afnotagjald. Gjaldið skal vera sem hér segir:

Lánssímagjald í allt að 3 mánuði:

Heimilissímar	kr. 5 148,00
Atvinnusímar	kr. 6 748,00

Lánssímagjald í allt að 6 mánuði:

Heimilissímar	kr.10 297,00
Atvinnusímar	kr.13 497,00

Uppsetningarkostnaður er ekki innifalinn.

Fyrir allt umfram 6 mánuði skal greiða fullt stofngjald auk afnotagjalda. Greitt er fyrir alla notkun, þ.e. engin notkun innifalin í afnotagjaldi, og skal lánssímagjald greitt við úthlutun.

Ef lánssímanotandi gerist fastur notandi þá skal hann greiða 2/3 af stofngjaldi ef hann var með lánssíma í 3 mánuði en 1/3 af stofngjaldi ef hann var með lánssíma í 6 mánuði.

Ef lánssíma er breytt í almennan síma þá reiknast afnotagjald frá tengingardegi lánssímans en menn eiga hinsvegar aðeins rétt á innifalinni notkun frá þeim degi sem lánssíma er breytt í almennan síma.

5. gr.

Gjaldskrá þessi og reglur eru settar samkvæmt 9. gr. laga nr. 73 frá 1984 um fjarskipti með áorðnum breytingum samkvæmt 5. gr. laga nr. 32 frá 1993 svo og samkvæmt 11. gr. laga nr. 36 frá 1977 um stjórn og starfrækslu póst- og símamála með áorðnum breytingum samkvæmt 8. gr. laga nr. 34 frá 1987 og gengur í gildi 31. desember 1996. Reiknast nýju gjöldin fyrir notkun, sem fram fer 31. desember 1996 eða síðar.

Samgönguráðuneytinu, 17. desember 1996.

Haldór Blöndal.

Haldór S. Kristjánsson.

REGLUGERÐ

um breyting á reglugerð nr. 381/1994, um bifreiðagjald.

1. gr.

2. gr. orðast svo:

Bifreiðagjald skal vera 5,86 kr. fyrir hvert kílógramm af eigin þyngd bifreiðar. Sé bifreið þyngri en 1000 kg skal að auki greiða 3,80 kr. fyrir hvert kílógramm af eigin þyngd bifreiðar sem er umfram 1000 kg. Þó skal aldrei greiða lægra gjald en 2.993 kr. né hærri gjald en 18.915 kr. af hverri bifreið á hverju gjaldtímabili.

2. gr.

Eftirfarandi breyting verður á 3. gr. reglugerðarinnar:

- a-liður orðast svo: Bifreiðir í eigu þeirra, sem njóta örorkustyrks, örorkubóta, bensínstyrks eða umönnunarbóta og -greiðslna vegna örorku barna frá Tryggingastofnun ríkisins. Jafnframt eiga þeir öryrkjar sem notið hafa niðurfellingar skv. 1. málsl. rétt á niðurfellingu ef þeir hafa öðlast rétt til ellilífeyrisgreiðslna eða dveljast á stofnun sbr. 43. gr. laga nr. 117/1993, um almannatryggingar. Réttur til niðurfellingar samkvæmt þessum staflíð er bundinn því skilyrði að um fólksbifreið sé að ræða og að bifreið sé skráð eign þess aðila er nýtur niðurfellingar. Ef sá sem á rétt á niðurfellingu á fleiri en eina bifreið skal bifreiðagjald fellt niður af þeirri bifreið sem er þyngst.
- b. Við d-lið bætist nýr málsliður er orðast svo: Jafnframt er innheimtumönnum ríkissjóðs heimilt að fella niður bifreiðagjald af ónýtum bifreiðum sem sannanlega hafa ekki verið í notkun á gjaldtímabili.